

			K150112	Renoviranje i dogradnja arhivske zgrade	135.561	167.500	100.000	230.000	330.000	59,7
			K150112	Opći prihodi i primici	99.617	112.500	45.000	175.000	275.000	40,0
			K150112	Vlastiti prihodi	35.944	55.000	55.000	55.000	55.000	100,0
23				KANTONALNA UPRAVA ZA GEODETSKE I IMOVINSKOPRAVNE POSLOVE	154.570	37.500	48.900	48.630	49.180	130,4
23	01	0001		Kantonalna uprava za geodetske i imovinskopravne poslove	154.570	37.500	48.900	48.630	49.180	130,4
		2008		IZMJERE I UPRAVLJANJE GEODETSKIM EVIDENCIJAMA	154.570	37.500	48.900	48.630	49.180	130,4
			K150213	Harmonizacija podataka katastra nekretnina	20.000					
			K150213	Opći prihodi i primici	20.000					
			K150314	Uspostava katastra nekretnina	134.570	37.500	48.900	48.630	49.180	130,4
			K150314	Opći prihodi i primici	134.570	37.500	48.900	48.630	49.180	130,4

IV. ZAVRŠNE ODREDBE

3

Član 7.

Budžetskim korisnicima za koje u ovome Budžetu nisu predviđena sredstva ili su predviđena u nedovoljnem iznosu, a kod kojih se pokaže neodgodiva potreba za sredstvima, predviđena je Tekuća rezerva Budžeta.

Sredstva iz Tekuće rezerve Budžeta, prema prethodno podnese- nu zahtjevu, odobrava Vlada Srednjobosanskog kantona.

U Tekuću rezervu Budžeta izdvojiti će se 0,5% budžetskih prihoda, bez namjenskih prihoda, vlastitih prihoda i primitaka.

Član 8.

Ovlašćuje se kantonalno Ministarstvo finansija da ispravi tehničke pogreške u tekstu Budžeta.

Član 9.

Ovaj Budžet stupa na snagu osmoga dana od dana objave u „Službenim novinama Srednjobosanskog kantona“, a primjenjivat će se od 1. januara 2021. godine.

Na osnovu tačke j) stava 1. člana 32a. Ustava Srednjobosanskog kantona („Službene novine Srednjobosanskog kantona“, broj: 1/97, 5/97, 6/97, 2/98, 7/98 – ispravka teksta, 8/98, 10/2000, 8/03, 2/04 i 14/04), donosim

U K A Z
O PROGLAŠENJU ZAKONA
O IZVRŠAVANJU BUDŽETA
SREDNJOBOSANSKOG KANTONA
ZA 2021. GODINU

I.

Proglašavam Zakon o izvršavanju Budžeta Srednjobosanskog kantona za 2021. godinu, koji je donijela Skupština Srednjobosanskog kantona na XVI. sjednici održanoj 16. decembra 2020. godine.

Broj: 01-02-883/20

PREDSJEDAVAJUĆI SKUPŠTINE

16. decembra 2020.

Travnik

Josip Kvasina, s. r.

Broj: 01-02-882/20

PREDSJEDAVAJUĆI SKUPŠTINE

16. decembra 2020.

Travnik

Josip Kvasina, s. r.

**ZAKON
O IZVRŠAVANJU BUDŽETA
SREDNJOBOSANSKOG KANTONA
ZA 2021. GODINU**

DIO PRVI – OSNOVNE ODREDBE

**Član 1.
(Sadržaj Zakona)**

Ovim zakonom se uređuje struktura prihoda i rashoda Budžeta Srednjobosanskog kantona za 2021. godinu (u dalnjem tekstu: Budžet) i njegovo izvršavanje, prava i obaveze korisnika budžetskih sredstava, ovlaštenja Vlade Srednjobosanskog kantona (u dalnjem tekstu: Vlada Kantona) i kantonalnog Ministarstva finansija u izvršavanju Budžeta te kazne za neispunjavanje obaveza, kao i ostala pitanja u izvršavanju Budžeta.

POGLAVLJE I. STRUKTURA PRIHODA I PRIMITAKA, IZDATAKA I RASHODA BUDŽETA TE TRANSPARENTNOST BUDŽETA

Član 2.

(Opći dio i Posebni dio Budžeta)

- (1) Budžet se sastoji od Općega dijela i Posebnoga dijela.
- (2) Opći dio Budžeta sastoji se od bilansa prihoda i rashoda, a Posebni dio Budžeta sadrži detaljan raspored rashoda, po budžetskim korisnicima i vrstama izdataka.
- (3) U bilansu prihoda i rashoda iskazani su porezni i neporezni prihodi te drugi prihodi i primici, kao i rashodi, utvrđeni na osnovu zakona i općih akata, za finansiranje javnih troškova na nivou Srednjobosanskog kantona (u dalnjem tekstu: Kanton).

Član 3.

(Prihodi i izdaci)

Račun prihoda i rashoda Budžeta čine:

a) prihodi:

- 1) porezi propisani zakonom,
- 2) neporezni prihodi,
- 3) administrativne i sudske takse, naknade i novčane kazne,
- 4) prihodi ostvareni obavljanjem osnovne djelatnosti i ostalih poslova budžetskih korisnika,
- 5) potpore,
- 6) finansiranje (zaduženje radi uravnoteženja salda bilansa prihoda i rashoda Budžeta),
- 7) neraspoređeni višak prihoda i rashoda;

b) rashodi:

- 1) rashodi za zaposlenike (tekući rashodi za plaće i naknade te izdaci za materijal, sitni inventar i usluge),
- 2) izdaci za kamate,
- 3) kapitalni transferi,
- 4) tekući transferi i drugi tekući rashodi,
- 5) izdaci za nabavku stalnih sredstava,
- 6) izdaci za otplatu duga,
- 7) tekuća rezerva.

Član 4.

(Transparentnost i javnost Budžeta)

(1) U Budžetu se prikazuju svi javni prihodi i rashodi, ukupni i po budžetskim korisnicima – analitički, po računima računskoga plana.

(2) Izvršavanje Budžeta objavljivat će se, u ukupnim iznosima i po budžetskim korisnicima, u „Službenim novinama Srednjobosanskog kantona“.

POGLAVLJE II. IZVRŠAVANJE BUDŽETA

Odjeljak A. Procedure korištenja budžetskih sredstava

Član 5.

(Budžetska sredstva)

(1) Budžetska sredstva osiguravaju se budžetskim korisnicima (u dalnjem tekstu: korisnici) koji su u Posebnom dijelu Budžeta određeni za nosioce sredstava na pojedinim pozicijama.

(2) Korisnik koristi budžetska sredstva samo za namjene koje su određene Budžetom, i to do iznosa utvrđenog u Posebnom dijelu Budžeta.

(3) Korisniku nije dopušteno stvarati obaveze, odnosno izdatke ili opterećenja budžetskih pozicija ako ti izdaci ili opterećenja budžetskih pozicija nisu odobreni u okviru iznosa alociranog za toga korisnika.

(4) Korisnikovi rashodi ne mogu prelaziti iznose alociranih budžetskih sredstava odobrenih za svaki mjesec ili drugi vremenski period koji je utvrdilo Ministarstvo finansija, osim uz saglasnost Ministarstva finansija.

Član 6.

(Korištenje odobrenih sredstava)

Korisnik koristi budžetska sredstva u skladu sa svojim godišnjim finansijskim planom, a dinamikom utvrđenom tromjesečnim i mjesечnim planovima koje odobrava ministar finansija na osnovu plana novčanih tokova.

Član 7.

(Izvršavanje obaveza)

Pri dogovaranju o uvjetima izvršavanja obaveza koje se podmiruju iz Budžeta, korisnik mora uzeti u obzir utvrđenu dinamiku priliva i odliva budžetskih sredstava.

Član 8.

(Plan izvršavanja Budžeta)

Budžet se izvršava na osnovu tromjesečnih i mjesечnih operativnih planova rashoda i izdataka, u skladu s raspoloživim sredstvima.

Član 9.

(Mjesečni operativni planovi)

(1) Korisnik je obavezan dostaviti Ministarstvu finansija 15 dana prije početka tromjesečja tromjesečni operativni plan izvršenja Budžeta.

(2) Korisnik je obavezan dostaviti Ministarstvu finansija do 25. u tekućem mjesecu prijedlog mjesečnoga operativnog plana za sljedeći mjesec, po pozicijama utvrđenim tromjesečnim operativnim planom.

(3) Ako korisnik ne podnese Ministarstvu finansija prijedlog

mjesečnoga operativnog plana u roku iz stava (2) ovoga člana, mješevni plan za toga korisnika utvrđuje Ministarstvo finansija.

Član 10.

(Prioriteti izvršavanja)

Budžet se izvršava prema prioritetima kako slijedi:

- a) otplata kamata i otplata unutrašnjeg i vanjskog duga;
- b) plaće i naknade troškova zaposlenika;
- c) transferi za socijalnu zaštitu;
- d) tekući transferi, transferi nižim nivoima vlasti;
- e) kapitalne investicije;
- f) ostalo.

Član 11.

(Dinamika doznačivanja sredstava)

(1) Korisnik preuzima obaveze za koje su sredstva namjenski iskazana u Posebnom dijelu Budžeta ako je njihovo plaćanje uskladeno s tromjesečnim i mjesecnim planom izvršenja Budžeta.

(2) U skladu s mjesecnim ostvarenjem prihoda, Vlada Kantona utvrđuje, na prijedlog Ministarstva finansija, način, iznose i dinamiku isplata sredstava korisnicima.

(3) Iznimno, zbog neusklađenosti priliva sredstava u Budžet s tromjesečnim i mjesecnim planovima izdataka Budžeta, Ministarstvo finansija može izmijeniti dinamiku doznačivanja sredstava pojedinim korisnicima, uz saglasnost Vlade Kantona.

(4) Nepodmirene obaveze iz prethodne godine podmirit će se prihodima u tekućoj godini.

Član 12.

(Potrošačke jedinice)

Ministarstvo koje u svome razdjelu Budžeta sadrži niže budžetske potrošačke jedinice – glave budžetski je nadležno za njih te utvrđuje tromjesečne i mjesecne računske planove izvršenja njihovih izdataka, u okviru odobrenih sredstava.

Član 13.

(Nabavke)

Postupak nabavke investicijskih dobara i usluga mora se voditi u skladu sa Zakonom o javnim nabavkama („Službene novine Federacije Bosne i Hercegovine“, broj 42/14).

Član 14.

(Prijenos neutrošenih sredstava)

Neutrošena sredstva s pojedinih pozicija izdataka iz mjesecnoga plana izvršenja Budžeta Ministarstvo finansija prenosi na iste pozicije u sljedeći mjesecni plan izvršenja Budžeta iste budžetske godine.

Član 15.

(Nepredviđeni izdaci)

(1) Iznimno, korisnikov izdatak koji nije predviđen pojedinačnim operativnim mjesecnim planom izvršenja Budžeta ili izdatak koji zahtijeva prekoračenje iznosa na pojedinoj poziciji u mjesecnom planu izvršenja Budžeta (u daljnjem tekstu: nepredviđeni izdaci) može se podmiriti uz saglasnost Ministarstva finansija.

(2) Ministarstvo finansija saglasit će se s isplatom izdataka iz stava (1) ovoga člana ako se isplata zasniva na obavezama preuze tim zakonom.

(3) Ministarstvo finansija saglasit će se s isplatom izdataka iz stava (2) ovoga člana samo ako se isplata podmiri dodatnim prihodima ili uštedama na drugim pozicijama mjesecnoga plana izvršenja Budžeta.

Član 16.

(Preraspodjela sredstava)

U okviru odobrenoga Budžeta iznimno je dopuštena preraspodjela sredstava između korisnika, o čemu odlučuje Vlada Kantona na prijedlog Ministarstva finansija.

Član 17.

(Prestrukturiranje sredstava)

(1) Ministarstvo finansija može, na prijedlog korisnika, donijeti odluku o prestrukturiranju izdataka u okviru ukupnoga iznosa odobrenog za korisnika, a najviše do 10% ukupno odobrenih rashoda i izdataka za toga korisnika.

(2) U okviru odobrenoga Budžeta utvrđuju se obim i vrsta rashoda i izdataka za prestrukturiranje, i to kako slijedi:

- a) plaće i naknade troškova zaposlenika – do 10% ukupno odobrenih izdataka;
- b) izdaci za materijal, sitni inventar i usluge – do 10% ukupno odobrenih izdataka;
- c) tekući transferi i drugi tekući rashodi – do 10% ukupno odobrenih izdataka;
- d) kapitalni transferi – do 10% ukupno odobrenih izdataka;
- e) izdaci za nabavku stalnih sredstava – do 10% ukupno odobrenih izdataka.

(3) Uz zahtjev za prestrukturiranje sredstava, korisnik mora priložiti dokumentaciju kojom daje na uvid razloge za dodatnim sredstvima na budžetskoj poziciji koja se povećava, odnosno za smanjenje odobrenih budžetskih sredstava.

Član 18.

(Djelokrug i nadležnost korisnika)

(1) Ako se tokom godine, na osnovu zakona i drugoga propisa, poveća djelokrug ili nadležnost korisnika, što zahtijeva i povećanje sredstava, ili se osnuje novi korisnik, sredstva za njegove troškove osiguravaju se iz Tekuće rezerve Budžeta, a odobrava ih Vlada Kantona.

(2) Ako se tokom godine, na osnovu zakona i drugoga propisa, umanji djelokrug ili nadležnost korisnika, što zahtijeva smanjenje sredstava, ili se korisnika ukine, neutrošena sredstva utvrđena za njegove izdatke prenose se u Tekuću rezervu Budžeta ili korisniku koji preuzeće njegove poslove, uz odobrenje Vlade Kantona.

Član 19.

(Sredstva Tekuće rezerve Budžeta)

(1) Hitni, neplanirani i nedovoljno planirani izdaci koji se pojavе tokom budžetske godine podmiruju se iz sredstava Tekuće rezerve utvrđenih Budžetom.

(2) Raspodjelu sredstava Tekuće rezerve Budžeta odobrava Vlada Kantona nakon dobivanja mišljenja Ministarstva finansija.

(3) Budžetska izdvajanja za Tekuću rezervu Budžeta ne smiju prijeći 3% ukupnih prihoda, isključujući primitke, vlastite prihode i namjenske prihode.

(4) Uštede ostvarene tokom fiskalne godine kod bilo kojega korisnika mogu se prenijeti u Tekuću rezervu Budžeta, do nivoa utvrđenog Zakonom o budžetima u Federaciji Bosne i Hercegovine

(„Službene novine Federacije Bosne i Hercegovine“, broj: 102/13, 9/14 – ispravka teksta, 13/14, 8/15, 91/15, 102/15, 104/16, 5/18, 11/19 i 99/19).

Član 20.

(Raspolaganje sredstvima Tekuće rezerve Budžeta)

(1) Premijer Srednjobosanskog kantona može raspolagati sredstvima Tekuće rezerve Budžeta do iznosa od 168.000,00 KM godišnje.

(2) Ministar finansija može raspolagati sredstvima Tekuće rezerve Budžeta do iznosa od 132.000,00 KM godišnje.

(3) O raspolaganju sredstvima Tekuće rezerve Budžeta iz stava (1) i (2) ovoga člana donosi se odluka.

(4) Neutrošeni iznos sredstava Tekuće rezerve Budžeta iz prethodnoga tromjesečja može se koristiti u sljedećem tromjesečju.

(5) Premijer Srednjobosanskog kantona i ministar finansija obavezni su tromjesečno izvještavati Vladu Kantona o raspolaganju sredstvima Tekuće rezerve Budžeta, a Vlada Kantona jednom polugodišnje Skupštinu Srednjobosanskog kantona (u dalnjem tekstu: Skupština Kantona).

Član 21.

(Uplata javnih prihoda)

Svi javni prihodi koji pripadaju Budžetu obavezno se uplaćuju na Jedinstveni račun Trezora (JRT), koji je pod isključivim pravom Ministarstva finansija, u skladu sa Zakonom o trezoru u Federaciji Bosne i Hercegovine („Službene novine Federacije Bosne i Hercegovine“, broj 26/16).

Član 22.

(Povrat javnih prihoda)

Pogrešno ili više uplaćeni prihod u Budžet vraća se uplatiocu na teret tih prihoda, na osnovu rješenja koje donosi Ministarstvo finansija u skladu s Pravilnikom o procedurama za povrat više ili pogrešno uplaćenih javnih prihoda s Jedinstvenog računa Kantonalnog trezora („Službene novine Srednjobosanskog kantona“, broj 4/12).

Odjeljak B. Plaće i naknade

Član 23.

(Sredstva za plaće i naknade)

Sredstva za plaće i naknade osiguravaju se budžetskim korisnicima na osnovu zakona i drugih propisa kojima su regulisane plaće i naknade, a isplaćivat će se do visine sredstava planiranih u Budžetu za te namjene.

Član 24.

(Osnovica za obračun plaće)

Za obračunavanje plaće svih korisnika Budžeta, osim nosilaca pravosudnih dužnosti, primjenjivat će se osnovica u iznosu od 290,00 KM i bod od 1,0.

Član 25.

(Dnevnice i putni troškovi)

Iznos dnevnice te naknade za putne i druge troškove koji nastaju u vezi sa službenim putovanjem određuju se, na osnovu posebnoga propisa, za sve korisnike koji se finansiraju iz Budžeta.

Član 26.

(Obavezno osiguranje)

Korisniku se osiguravaju sredstva za obavezno osiguranje u skladu s posebnim propisom.

Član 27.

(Zasnivanje i prestanak radnoga odnosa)

Radi pravovremenog obračunavanja i isplate budžetskih sredstava za plaće i druge namjene za svoje zaposlenike, korisnik je obavezan dostaviti nadležnom ministarstvu i Ministarstvu finansija rješenja o zasnivanju i o prestanku radnoga odnosa dužnosnika, službenika i namještenika, u roku od osam dana.

Odjeljak C. Tekući transferi

Član 28.

(Političke stranke, udruženja i pojedinci)

(1) Sredstva utvrđena za 10. razdjel Budžeta, pozicije „Tekući transferi neprofitnim organizacijama – HDZ-u BiH, HSS-u, HKDU-u BiH, HSP-u – HNS-u, HSP-u dr. A. S. BiH, HSS-u S. R.“, „Tekući transferi neprofitnim organizacijama – SDA-u Stranci demokratske akcije“, „Tekući transferi neprofitnim organizacijama – SDP-u – Socijaldemokratskoj partiji Bosne i Hercegovine“, „Tekući transferi neprofitnim organizacijama – Savezu za bolju budućnost – Fahrudin Radončić“, „Tekući transferi neprofitnim organizacijama – Demokratskoj fronti“, „Tekući transferi neprofitnim organizacijama – Hrvatskom pokretu za Središnju Bosnu HDZ-u 1990 – HSP-u BiH – HSS BiH“ i „Tekući transferi neprofitnim organizacijama – Nezavisnom bloku“ raspoređuje Vlada Kantona u skladu sa zakonskim propisima i drugim aktima koji uređuju tu oblast, na osnovu prijedloga predsjedavajućeg Skupštine Kantona i zamjenika predsjedavajućeg Skupštine Kantona.

(2) Sredstva utvrđena za isti razdjel Budžeta, pozicije „Tekući transferi drugim nivoima vlasti i fondovima“, „Tekući transferi pojedincima“ i „Tekući transferi neprofitnim organizacijama“ koriste se prema programima koje odobri Vlada Kantona na prijedlog predsjedavajućeg Skupštine Kantona i zamjenika predsjedavajućeg Skupštine Kantona.

(3) Sredstva utvrđena za programe iz stava (2) ovoga člana izdvajaju se i raspoređuju odlukama predsjedavajućeg Skupštine Kantona i zamjenika predsjedavajućeg Skupštine Kantona.

Član 29.

(Kazneno-popravne ustanove – pritvor)

(1) Sredstva utvrđena za 13. razdjel Budžeta, pozicije „Subvencije javnim preduzećima – kazneno-popravnim ustanovama – pritvoru“ i „Subvencije javnim preduzećima – za izvršenje mјere sigurnosti obavezno psihijatrijsko liječenja“ koriste se na osnovu ugovora s kazneno-popravnim ustanovama i Sporazuma o smještaju i naknadi troškova za izvršenje mјere sigurnosti izrečenih u krivičnom postupku i drugom postupku u kojem se izriče mјera liječenja, sklopljenog sa Javnom zdravstvenom ustanovom Zavod za forenzičku psihijatriju, Sokolac, preko računa koji odobri Ministarstvo pravosuđa i uprave.

(2) Sredstva utvrđena za isti razdjel Budžeta, poziciju „Subvencije javnim preduzećima – rad za opće dobro na slobodi“ koriste se na osnovu ugovora s javnim preduzećem – poslodavcem, preko računa koji odobri Ministarstvo pravosuđa i uprave.

Član 30.

(Potpora Općini Dobretići, povrati sredstava i obaveze prema sudskim odlukama)

(1) Sredstva utvrđena za 14. razdjel Budžeta, poziciju „Tekući transferi drugim nivoima vlasti i fondovima – potpora Općini Dobretići (za otplatu unutrašnjeg i vanjskog duga; brutoplaće i naknade zaposlenika; troškove za materijal, inventar i usluge; tekuće transfere i druge tekuće rashode te kapitalne transfere i kapitalne rashode)“ koriste se na osnovu odluke Vlade Kantona, na prijedlog Ministarstva finansija.

(2) Sredstva utvrđena za isti razdjel Budžeta, poziciju „Drugi tekući rashodi – povrat više ili pogrešno uplaćenih sredstava iz prethodnih godina“ koriste se na osnovu rješenja Ministarstva finansija.

(3) Sredstva utvrđena za isti razdjel Budžeta, poziciju „Drugi tekući rashodi – podmirenje obaveza prema izvršnim sudskim odlukama“ koriste se na osnovu odluke Vlade Kantona, na prijedlog Ministarstva finansija.

Član 31.

(Privreda)

(1) Sredstva utvrđena za 15. razdjel Budžeta, pozicije „Tekući transferi drugim nivoima vlasti i fondovima – poticaji privredi“, „Tekući transferi drugim nivoima vlasti i fondovima – poticaji privredi (uspostava fonda za potporu preduzećima u završetku i implementaciji međunarodno priznatih standarda i kvaliteta)“, „Tekući transferi drugim nivoima vlasti i fondovima – za podršku razvoju poduzetničkih zona“ i „Subvencije privatnim preduzećima i poduzetnicima – poticaji privredi“ koriste se na osnovu programa koji odobri Vlada Kantona na prijedlog Ministarstva privrede.

(2) Sredstva utvrđena za isti razdjel Budžeta, poziciju „Subvencije privatnim preduzećima i poduzetnicima – za učeće na sajmovima i izložbama“ koriste se na osnovu programa koji odobri Vlada Kantona na prijedlog resornoga ministarstva.

(3) Sredstva utvrđena za isti razdjel Budžeta, poziciju „Subvencije privatnim preduzećima i poduzetnicima – za potporu skijalištima i razvoju turizma“ koriste se na osnovu programa koji odobri Vlada Kantona na prijedlog resornoga ministarstva.

(4) Sredstva utvrđena za isti razdjel Budžeta, poziciju „Tekući transferi neprofitnim organizacijama – Regionalnoj ekonomskoj zajednici“ koriste se na osnovu programa koji odobri Vlada Kantona na prijedlog resornoga ministarstva.

(5) Sredstva utvrđena za isti razdjel Budžeta, poziciju „Tekući transferi neprofitnim organizacijama – Ekonomsko-socijalnom vijeću za područje Srednjobosanskog kantona“ koriste se na osnovu programa koji odobri Vlada Kantona na prijedlog Ministarstva privrede.

(6) Sredstva utvrđena za isti razdjel Budžeta, poziciju „Tekući transferi drugim nivoima vlasti i fondovima – za javno-privatno partnerstvo“ koriste se na osnovu programa koji odobri Vlada Kantona na prijedlog resornoga ministarstva.

(7) Sredstva utvrđena za isti razdjel Budžeta, poziciju „Subvencije privatnim preduzećima i poduzetnicima – za podršku razvoju poduzetništva i pokretanju novih start-up kompanija“ koriste se na osnovu programa koji odobri Vlada Kantona na prijedlog resornoga ministarstva.

(8) Sredstva utvrđena za isti razdjel Budžeta, pozicije „Tekući transferi drugim nivoima vlasti i fondovima – sufinansiranje projekata zaštite i unapređenja okoliša te razvojnih projekata“ i „Tekući transferi neprofitnim organizacijama – sufinansiranje projekata

zaštite i unapređenja okoliša te razvojnih projekata“ koriste se na osnovu Zakona o koncesijama te programa koji odobri Vlada Kantona na prijedlog resornoga ministarstva.

(9) Sredstva utvrđena za isti razdjel Budžeta, poziciju „Subvencije privatnim preduzećima i poduzetnicima – za sufinansiranje geoloških istraživačkih radova mineralnih sirovina“ koriste se na osnovu Zakona o koncesijama te programa koji odobri Vlada Kantona na prijedlog resornoga ministarstva.

(10) Sredstva utvrđena za programe iz stavova (1) do (9) ovoga člana izdvajaju se i raspoređuju odlukama Vlade Kantona, na prijedlog resornoga ministarstva.

Član 32.

(Zdravstvo, socijalna zaštita i dobrotvorna društva)

(1) Sredstva utvrđena za 16. razdjel Budžeta, pozicije „Tekući transferi drugim nivoima vlasti i fondovima – sufinansiranje upravnih organizacija – Zavoda za javno zdravstvo Srednjobosanskog kantona“ i „Tekući transferi drugim nivoima vlasti i fondovima – Zavodu za javno zdravstvo Srednjobosanskog kantona, za nabavku vakcina“ koriste se na osnovu odluke Vlade Kantona, na prijedlog Ministarstva zdravstva i socijalne politike.

(2) Sredstva utvrđena za isti razdjel Budžeta, poziciju „Tekući transferi drugim nivoima vlasti i fondovima – Zavodu za zdravstveno osiguranje Srednjobosanskog kantona – potpora finansijskoj stabilnosti u uvjetima pandemije“ koriste se na osnovu odluke Vlade Kantona, na prijedlog resornoga ministarstva.

(3) Sredstva utvrđena za isti razdjel Budžeta, poziciju „Tekući transferi drugim nivoima vlasti i fondovima – prava iz socijalne zaštite“ koriste se prema kantonalnim propisima.

(4) Sredstva utvrđena za isti razdjel Budžeta, poziciju „Tekući transferi pojedincima – ostvarivanje prava iz socijalne zaštite“ koriste se prema kantonalnim propisima.

(5) Sredstva utvrđena za isti razdjel Budžeta, poziciju „Tekući transferi pojedincima – za socijalnu zaštitu“ koriste se na osnovu rješenja resornoga ministarstva.

(6) Sredstva utvrđena za isti razdjel Budžeta, pozicije „Tekući transferi pojedincima – zaštita porodica s djecom“ i „Tekući transferi pojedincima – civilnim žrtvama rata“ koriste se prema kantonalnim propisima.

(7) Sredstva utvrđena za isti razdjel Budžeta, pozicije „Tekući transferi neprofitnim organizacijama – Muslimanskom dobrotvornom društvu “Merhamet”“, „Tekući transferi neprofitnim organizacijama – Katoličkom dobrotvornom društvu “Caritas” u Srednjobosanskom kantonu“, „Tekući transferi neprofitnim organizacijama – Srpskom kulturno-prosvjetnom i humanitarnom crkvenom društvu, Travnik“ i „Tekući transferi neprofitnim organizacijama – Crvenom križu Srednjobosanskog kantona“ koriste se na osnovu odluka Vlade Kantona, na prijedlog resornoga ministarstva.

(8) Sredstva utvrđena za isti razdjel Budžeta, poziciju „Tekući transferi neprofitnim organizacijama – Udruženju penzionera Srednjobosanskog kantona“ koriste se na osnovu odluke Vlade Kantona, na prijedlog resornoga ministarstva.

(9) Sredstva utvrđena za isti razdjel Budžeta, poziciju „Tekući transferi neprofitnim organizacijama – udruženjima za socijalnu pomoć“, koriste se na osnovu rješenja resornoga ministarstva.

(10) Sredstva utvrđena za isti razdjel Budžeta, poziciju „Subvencije privatnim preduzećima i poduzetnicima – za finansiranje dezinfekcije, deratizacije i dezinsekcije“ koriste se na osnovu odluke Vlade Kantona, na prijedlog resornoga ministarstva.

Član 33.

(Obrazovanje, nauka, mladi, kultura i sport)

(1) Sredstva utvrđena za 17. razdjel Budžeta, pozicije „Tekući transferi drugim nivoima vlasti i fondovima – za kulturu“, „Tekući transferi pojedincima – za kulturu i nauku“, „Tekući transferi neprofitnim organizacijama – za kulturu“, „Subvencije javnim preduzećima – ustanovama za kulturu“ i „Subvencije javnim preduzećima – za informisanje“ koriste se na osnovu programa koji odobri Vlada Kantona na prijedlog Ministarstva obrazovanja, nauke, mlađih, kulture i sporta.

(2) Sredstva utvrđena za isti razdjel Budžeta, pozicije „Tekući transferi drugim nivoima vlasti i fondovima – za sport“, „Tekući transferi pojedincima – za sport“ i „Tekući transferi neprofitnim organizacijama – za sport“ koriste se na osnovu programa koji odobri Vlada Kantona na prijedlog resornoga ministarstva.

(3) Sredstva utvrđena za isti razdjel Budžeta, poziciju „Tekući transferi drugim nivoima vlasti i fondovima – za školska takmičenja“ koriste se na osnovu programa koji odobri Vlada Kantona na prijedlog resornoga ministarstva.

(4) Sredstva utvrđena za programe iz stavova (1), (2) i (3) ovoga člana izdvajaju se i raspoređuju odlukama Vlade Kantona na prijedlog resornoga ministarstva.

(5) Sredstva utvrđena za isti razdjel Budžeta, poziciju „Tekući transferi drugim nivoima vlasti i fondovima – za finansiranje visokog školstva i stipendiranje studenata“ koriste se na osnovu ugovora Vlade Kantona, na prijedlog resornoga ministarstva.

(6) Sredstva utvrđena za isti razdjel Budžeta, poziciju „Tekući transferi drugim nivoima vlasti i fondovima – za sufinansiranje osnovnih muzičkih škola kojima je osnivač Srednjobosanski kanton (Osnovne muzičke škole, Travnik; Osnovne muzičke škole, Bugojno; Osnovne muzičke škole, Novi Travnik; Osnovne glazbene škole Jakova Gotovca, Novi Travnik)“ koriste se na osnovu kriterija koje utvrdi Vlada Kantona na prijedlog resornoga ministarstva.

(7) Sredstva utvrđena za isti razdjel Budžeta, poziciju „Tekući transferi drugim nivoima vlasti i fondovima – za predškolsko obrazovanje“ koriste se na osnovu kriterija koje utvrdi Vlada Kantona na prijedlog resornoga ministarstva.

(8) Sredstva utvrđena za isti razdjel Budžeta, poziciju „Tekući transferi drugim nivoima vlasti i fondovima – za socijalno osiguranje učenika“ koriste se na osnovu odluke o izdvajajanju sredstava, Vlade Kantona, na prijedlog resornoga ministarstva.

(9) Sredstva utvrđena za isti razdjel Budžeta, pozicije „Tekući transferi pojedincima – za pomoć ugroženim učenicima“, „Tekući transferi pojedincima – za djecu s posebnim potrebama“, „Tekući transferi pojedincima – za djecu romske nacionalnosti“ i „Tekući transferi pojedincima – za nabavku udžbenika za učenike osnovnih škola“ koriste se na osnovu odluke o izdvajajanju sredstava, Vlade Kantona, na prijedlog resornoga ministarstva.

(10) Sredstva utvrđena za isti razdjel Budžeta, poziciju „Tekući transferi pojedincima – za finansiranje troškova prijevoza učenika“ koriste se na osnovu kriterija koje utvrdi Vlada Kantona na prijedlog resornoga ministarstva.

(11) Sredstva utvrđena za isti razdjel Budžeta, poziciju „Tekući transferi neprofitnim organizacijama – za pomoć vjerskim zajednicama“ koriste se na osnovu odluke o izdvajajanju sredstava, Vlade Kantona, na prijedlog resornoga ministarstva.

(12) Sredstva utvrđena za isti razdjel Budžeta, poziciju „Tekući transferi neprofitnim organizacijama – za djecu s posebnim potrebama“ koriste se na osnovu odluke o izdvajajanju sredstava, Vlade

Kantona, na prijedlog resornoga ministarstva.

(13) Sredstva utvrđena u stavovima (6), (7) i (10) ovoga člana koja se koriste na osnovu kriterija koje utvrdi Vlada Kantona, izdvajaju se i raspoređuju odlukama Vlade Kantona, na prijedlog resornoga ministarstva.

Član 34.

(Prostorno uređenje, gradnja, zaštita okoliša, povratak i stambeni poslovi)

(1) Sredstva utvrđena za 18. razdjel Budžeta, pozicije „Tekući transferi drugim nivoima vlasti i fondovima – poticaji povratku prognanika, obnovi i razvitku“ i „Tekući transferi pojedincima – poticaji povratku prognanika, obnovi i razvitku“ koriste se prema propisima i programima koje odobri Vlada Kantona na prijedlog Ministarstva prostornog uređenja, građenja, zaštite okoliša, povrata i stambenih poslova.

(2) Sredstva utvrđena za isti razdjel Budžeta, pozicije „Tekući transferi drugim nivoima vlasti i fondovima – za izmjenu i izradu prostorno-planske dokumentacije“ i „Tekući transferi drugim nivoima vlasti i fondovima – za izradu zakona o legalizaciji bespravno izgrađenih objekata“ koriste se prema propisima i programima koje odobri Vlada Kantona na prijedlog resornoga ministarstva.

(3) Sredstva utvrđena za isti razdjel Budžeta, poziciju „Tekući transferi neprofitnim organizacijama – za obilježavanje značajnih dana ekološkoga kalendara i potporu radu ekoloških društava“ koriste se prema propisima i programima koje odobri Vlada Kantona na prijedlog resornoga ministarstva.

(4) Sredstva utvrđena za isti razdjel Budžeta, poziciju „Subvencije javnim preduzećima – za saniranje ekoloških incidenta“ koriste se prema propisima i programima koje odobri Vlada Kantona na prijedlog resornoga ministarstva.

(5) Sredstva utvrđena za isti razdjel Budžeta, pozicije „Tekući transferi drugim nivoima vlasti i fondovima – za upotpunjivanje zgrada, vodovod i kanalizaciju“, „Tekući transferi neprofitnim organizacijama – za upotpunjivanje zgrada, vodovod i kanalizaciju“ i „Subvencije javnim preduzećima – za upotpunjivanje zgrada, zbrinjavanje otpada, vodovod i kanalizaciju“ koriste se prema propisima i programima koje odobri Vlada Kantona na prijedlog resornoga ministarstva.

(6) Sredstva utvrđena za programe iz stavova (1) do (5) ovoga člana izdvajaju se i raspoređuju odlukama Vlade Kantona, na prijedlog resornoga ministarstva.

Član 35.

(Poljoprivreda, vodoprivreda i šumarstvo)

(1) Sredstva utvrđena za 19. razdjel Budžeta, glavu 01, pozicije „Tekući transferi pojedincima – poticaji poljoprivredi (primarnoj poljoprivrednoj proizvodnji)“, „Tekući transferi pojedincima – poticaji poljoprivredi (interventna sredstva)“, „Subvencije privatnim preduzećima i poduzetnicima – poticaji poljoprivredi (primarnoj poljoprivrednoj proizvodnji)“, „Subvencije privatnim preduzećima i poduzetnicima – poticaji poljoprivredi (interventna sredstva)“ koriste se prema programima koje odobri Vlada Kantona na prijedlog Ministarstva poljoprivrede, vodoprivrede i šumarstva.

(2) Sredstva utvrđena za isti razdjel Budžeta, poziciju „Tekući transferi pojedincima – za rekultivisanje poljoprivrednoga zemljista“, „Tekući transferi neprofitnim organizacijama – za rekultivisa-

nje poljoprivrednoga zemljišta“ i „Subvencije privatnim preduzećima i poduzetnicima – za rekultivisanje poljoprivrednoga zemljišta“ koriste se prema programima koje odobri Vlada Kantona na prijedlog resornoga ministarstva.

(3) Sredstva utvrđena za isti razdjel Budžeta, pozicije „Tekući transferi pojedincima – poticaji veterinarstvu (zakonske obaveze)“, „Subvencije javnim preduzećima – poticaji veterinarstvu (zakonske obaveze)“, „Subvencije privatnim preduzećima i poduzetnicima – poticaji veterinarstvu (zakonske obaveze)“, koriste se prema programima koje odobri Vlada Kantona na prijedlog resornoga ministarstva.

(4) Sredstva utvrđena za isti razdjel Budžeta, pozicije „Tekući transferi neprofitnim organizacijama – poticaji vodoprivredi“, „Tekući transferi drugim nivoima vlasti i fondovima – poticaji vodoprivredi“, „Subvencije javnim preduzećima – poticaji vodoprivredi“, „Subvencije javnim preduzećima – poticaji vodoprivredi (interventna sredstva)“, „Tekući transferi pojedincima – poticaji vodoprivredi (interventna sredstva)“ i „Tekući transferi neprofitnim organizacijama – poticaji vodoprivredi (interventna sredstva)“ koriste se prema programima koje odobri Vlada Kantona na prijedlog resornoga ministarstva.

(5) Sredstva utvrđena za isti razdjel Budžeta, poziciju „Subvencije javnim preduzećima – poticaji šumarstvu, za državne šume“ koriste se prema programima koje odobri Vlada Kantona na prijedlog resornoga ministarstva.

(6) Sredstva utvrđena za isti razdjel Budžeta, poziciju „Tekući transferi pojedincima – za naknadu štete koju počini zaštićena divljač, u skladu s članom 70. federalnoga Zakona o lovstvu“ koriste se prema odluci Vlade Kantona, na prijedlog resornoga ministarstva.

(7) Sredstva utvrđena za programe iz stavova (1), (2), (3), (4) i (5) ovoga člana izdvajaju se i raspoređuju odlukama Vlade Kantona, na prijedlog resornoga ministarstva.

Član 36.

(Šumarstvo)

(1) Sredstva utvrđena za 19. razdjel Budžeta, glavu 02, pozicije „Tekući transferi drugim nivoima vlasti i fondovima – poticaji šumarstvu, za državne šume“ i „Tekući transferi drugim nivoima vlasti i fondovima – poticaji šumarstvu, za privatne šume“ koriste se na osnovu programa koje odobri Vlada Kantona na prijedlog Ministarstva poljoprivrede, vodoprivrede i šumarstva.

(2) Sredstva utvrđena za isti razdjel Budžeta, poziciju „Tekući transferi neprofitnim organizacijama – poticaji šumarstvu“ koriste se na osnovu programa koji odobri Vlada Kantona na prijedlog resornoga ministarstva.

(3) Sredstva utvrđena za isti razdjel Budžeta, pozicije „Subvencije javnim preduzećima – poticaji šumarstvu, za privatne šume“ i „Subvencije javnim preduzećima – poticaji šumarstvu, za državne šume“ koriste se na osnovu programa koje odobri Vlada Kantona na prijedlog resornoga ministarstva.

(4) Sredstva utvrđena za isti razdjel Budžeta, poziciju „Subvencije privatnim preduzećima i poduzetnicima – poticaji šumarstvu, za privatne šume“ koriste se na osnovu programa koji odobri Vlada Kantona na prijedlog resornoga ministarstva.

(5) Sredstva utvrđena za programe iz stavova (1), (2), (3) i (4) ovoga člana izdvajaju se i raspoređuju odlukama Vlade Kantona, na prijedlog resornoga ministarstva.

Član 37.

(Rješavanje pitanja branilaca i invalida)

(1) Sredstva utvrđena za 20. razdjel Budžeta, pozicije „Tekući transferi neprofitnim organizacijama – udruženjima branilaca“, „Tekući transferi neprofitnim organizacijama – za izgradnju i uređenje mezarja i groblja“, „Tekući transferi neprofitnim organizacijama – za izgradnju i uređenje spomen-obilježja“, „Tekući transferi neprofitnim organizacijama – za manifestacije, obilježavanje značajnih datuma i sportske aktivnosti“, „Tekući transferi neprofitnim organizacijama – za izgradnju centra za psihosocijalno liječenje branilaca“ i „Tekući transferi neprofitnim organizacijama – za pravnu pomoć“ koriste se prema programu koji donosi Vlada Kantona na prijedlog Kantonalne uprave za branioce.

(2) Sredstva utvrđena za isti razdjel Budžeta, poziciju „Tekući transferi drugim nivoima vlasti i fondovima – za zapošljavanje“ koriste se prema programu koji donosi Vlada Kantona na prijedlog Kantonalne uprave za branioce.

(3) Sredstva utvrđena za isti razdjel Budžeta, poziciju „Tekući transferi pojedincima – za egzistencijalnu novčanu naknadu“ koriste se prema pravilniku koji donosi Kantonalna uprava za branioce uz saglasnost Vlade Kantona.

(4) Sredstva utvrđena za isti razdjel Budžeta, pozicije „Tekući transferi pojedincima – za jednokratne novčane pomoći braniocima i članovima njihovih porodica“, „Tekući transferi pojedincima – za sufinansiranje stambenog zbrinjavanja“, „Tekući transferi pojedincima – za pomoć u smrtnom slučaju“, „Tekući transferi pojedincima – za šehidske nišane i nadgrobne spomenike poginulim branioncima“, „Tekući transferi pojedincima – za finansiranje ostvarivanja prava na osnovu promijenjene radne sposobnosti“ i „Tekući transferi pojedincima – za stipendiranje – školovanje djece branilaca“ koriste se prema pravilnicima koje donosi Kantonalna uprava za branioce uz saglasnost Vlade Kantona.

(5) Sredstva utvrđena za isti razdjel Budžeta, poziciju „Tekući transferi drugim nivoima vlasti i fondovima – za zdravstvenu zaštitu branilaca i članova njihovih porodica“ koriste se prema pravilniku koji donosi Kantonalna uprava uz saglasnost Vlade Kantona.

(6) Sredstva utvrđena za programe iz stavova (1) i (2) ovoga člana izdvajaju se i raspoređuju odlukama Vlade Kantona, na prijedlog Kantonalne uprave za branioce.

(7) Sredstva utvrđena u stavovima (3), (4) i (5) ovoga člana koja se koriste prema pravilnicima izdvajaju se odlukama Vlade Kantona, a raspoređuju odlukama Kantonalne uprave za branioce.

Član 38.

(Civilna zaštita)

(1) Sredstva utvrđena za 24. razdjel Budžeta, pozicije „Tekući transferi drugim nivoima vlasti – za oticanje posljedica prirodnih i drugih nesreća“, „Tekući transferi drugim nivoima vlasti i fondovima – za nabavku opreme za strukture civilne zaštite“ i „Tekući transferi drugim nivoima vlasti i fondovima – za obuku i vježbe struktura civilne zaštite“ koriste se prema programima koje odobri Vlada Kantona na prijedlog Kantonalne uprave za civilnu zaštitu.

(2) Sredstva utvrđena za isti razdjel Budžeta, pozicije „Tekući transferi pojedincima – za preventivne mjere zaštite i spašavanja“, „Tekući transferi pojedincima – za saniranje dijela šteta nastalih prirodnim i drugim nesrećama“ i „Tekući transferi pojedincima – za pomoć kantonima i općinama u saniranju dijela šteta nastalih prirodnim i drugim nesrećama te za jačanje sistema zaštite i spašavanja“ koriste se prema programima koje odobri Vlada Kantona na

prijedlog Kantonalne uprave za civilnu zaštitu.

(3) Sredstva utvrđena za programe iz stavova (1) i (2) ovoga člana izdvajaju se i raspoređuju odlukama Vlade Kantona, na prijedlog Kantonalne uprave za civilnu zaštitu.

(4) Sredstva utvrđena za isti razdjel Budžeta, pozicije „Tекуći transferi drugim nivoima vlasti i fondovima“ koriste se na osnovu odluke Vlade Kantona, na prijedlog Kantonalne uprave za civilnu zaštitu.

Odjeljak D. Kapitalni transferi, programiranje, stalna sredstva i računi Budžeta

Član 39.

(Kapitalni transferi)

(1) Sredstva utvrđena za poziciju „Kapitalni transferi za sufinsiranje projekata značajnih za Srednjobosanski kanton“ 11. razdjela, glava 03 Budžeta, koriste se na osnovu odluka Vlade Kantona.

(2) Sredstva utvrđena za poziciju „Kapitalni transferi drugim nivoima vlasti i fondovima – za sufinsiranje rekonstrukcije regionalnih puteva“ 14. razdjela, glava 01 Budžeta, koriste se na osnovu odluka Vlade Kantona, na prijedlog Ministarstva finansija.

(3) Sredstva utvrđena za poziciju „Kapitalni transferi drugim nivoima vlasti i fondovima – nabavka opreme zdravstvenim ustanovama u Srednjobosanskom kantonu“ 16. razdjela, glava 01 Budžeta, koriste se na osnovu programa koji odobri Vlada Kantona na prijedlog Ministarstva zdravstva i socijalne zaštite.

(4) Sredstva utvrđena za poziciju „Kapitalni transferi za sufinsiranje projekata značajnih za Srednjobosanski kanton“ 23. razdjela, glava 01 Budžeta, koriste se na osnovu programa koji odobri Vlada Kantona na prijedlog Kantonalne uprave za geodetske i imovinskopopravne poslove.

(5) Sredstva utvrđena za programe iz stavova (3) i (4) ovoga člana izdvajaju se i raspoređuju odlukama Vlade Kantona na prijedlog Ministarstva zdravstva i socijalne politike i Kantonalne uprave za geodetske i imovinskopopravne poslove.

Član 40.

(Programi utroška sredstava)

(1) Korisnici budžetskih sredstava obavezni su predložiti Vladi Kantona programe utroška sredstava iz članova: 28., 31., 33., 34., 35., 36., 37., 38. i 39. ovoga zakona.

(2) Bitni elementi programa iz stava (1) ovoga člana su: naziv programa, svrha programa, kriteriji raspodjele sredstava te iznos i izvor sredstava.

(3) Sredstva iz stava (1) ovoga člana mogu se koristiti nakon što Vlada Kantona odobri i objavi programe utroška tih sredstava.

(4) O utrošenim sredstvima iz stava (1) ovoga člana korisnici tromjesečno izvještavaju Ministarstvo finansija, a Ministarstvo finansija Vladi Kantona, u skladu sa Zakonom o budžetima u Federaciji Bosne i Hercegovine.

Član 41.

(Nabavka stalnih sredstava)

(1) Sredstva utvrđena za poziciju „Izdaci za nabavku stalnih sredstava“ budžetski korisnik koristi isključivo na osnovu mišljenja Ministarstva finansija i saglasnosti Vlade Kantona, koje pribavlja prije pokretanja procedure javne nabavke.

(2) Odluku o izdvajanju sredstava donosi Vlada Kantona na pri-

jedlog budžetskog korisnika koji nabavlja stalno sredstvo, nakon provedene procedure javne nabavke.

Član 42.

(Računi Budžeta)

(1) Javni prihodi prikupljaju se u Budžet preko računa javnih prihoda (depozitnoga računa Budžeta).

(2) Platne transakcije obavljaju se preko transakcijskoga računa, koji je sastavni dio Jedinstvenoga računa Trezora, a otvara ga Ministarstvo finansija, na osnovu odluke Vlade Kantona.

(3) Potpisnici naloga za platne transakcije preko računa iz stavova (1) i (2) ovoga člana su premijer Srednjobosanskog kantona, ministar finansija i lice koje, na prijedlog ministra finansija, ovlasti Vlada Kantona.

Član 43.

(Vlastiti prihodi)

(1) Prihod koji korisnik ostvari vlastitom djelatnošću mora se uplatiti na depozitni račun Budžeta.

(2) Uplata na osnovu ostvarenoga korisnikova vlastitoga prihoda evidentirat će se u Glavnoj knjizi Trezora kao korisnikov vlastiti prihod.

(3) Sredstva uplaćena na osnovu stava (1) ovoga člana zadržavaju se na Jedinstvenom računu Trezora i postaju javni prihod.

(4) Pri izradi svoga dijela Budžeta korisnik je obavezan planirati izdatke koji će biti pokriveni vlastitim prihodima.

Član 44.

(Namjenski prihodi)

(1) Budžetski korisnik kojem je Ministarstvo finansija otvorilo podračun za prikupljanje namjenskih sredstava koja se uplačuju na depozitni račun Budžeta, u skladu s Pravilnikom o načinu uplate javnih prihoda budžeta i vanbudžetskih fondova na teritoriji Federacije Bosne i Hercegovine („Službene novine Federacije Bosne i Hercegovine“, broj 54/20), u svom finansijskom planu planiraju prihode i rashode, odnosno primite i izdatke za podračun, s tim da su ukupni prihodi / primici jednaki ukupnim rashodima / izdacima u toku fiskalne godine.

(2) Namjenska sredstva raspoređuju se i izvršavaju za namjene utvrđene posebnim propisima. Iznimno, u svrhu održavanja tekuće likvidnosti i otplate duga, na osnovu odluke Vlade Kantona, tokom 2021. godine privremeno se mogu prenositi sredstva s posebnih / namjenskih transakcijskih računa na transakcijski račun Ministarstva finansija u okviru Jedinstvenog računa Trezora, a do iznosa koji ne ugrožava servisiranje redovnih obaveza na osnovu posebnih propisa.

(3) Ako se tokom izvršavanja Budžeta budu privremeno prenosi sredstva s posebnih računa iz stava (2) ovoga člana, povrat tih sredstava mora se obaviti najkasnije do 31. decembra 2021. godine, a u slučaju potrebe i nepredviđenih okolnosti, do roka koji u svome zahtjevu odredi budžetski korisnik zadužen za utrošak tih sredstava.

Član 45.

(Donacije)

(1) Namjenska donacija koja nije planirana Budžetom uplaćuje se na depozitni račun Budžeta i prenosi na budžetsku poziciju korisnika kojem je namijenjena.

(2) Namjenskom donacijom povećava se u Budžetu ukupni gođišnji iznos korisniku na kojega se donacija odnosi.

Član 46.

(Finansijski izvještaji)

(1) Budžetski korisnik je dužan Ministarstvu finansija podnijeti finansijski izvještaj u roku od 20 dana nakon isteka obračunskoga perioda.

(2) Tromjesečni finansijski izvještaj Ministarstvo finansija dužno je podnijeti Vladi Kantona u roku od, najdulje, 30 dana od završetka svakog izvještajnoga perioda.

POGLAVLJE III. ZADUŽIVANJE I UPRAVLJANJE DUGOM

Član 47.

(Zaduživanje Kantona)

(1) Za provođenje procedure zaduživanja nadležno je Ministarstvo finansija.

(2) O zaduživanju i izdavanju garancija odlučuje Skupština Kantona na prijedlog Vlade Kantona, u skladu s odredbama zakona kojim se uređuje dug, zaduživanje i garancije u Federaciji Bosne i Hercegovine.

Član 48.

(Upravljanje dugom)

(1) Za upravljanje dugom Kantona nadležno je Ministarstvo finansija.

(2) Ministarstvo finansija uspostavlja i vodi evidenciju o unutrašnjem i vanjskom dugu te o izdanim garancijama, u skladu s federalnim propisom.

POGLAVLJE IV. UNUTRAŠNJA REVIZIJA

Član 49.

(Unutrašnja revizija)

Ministarstvo finansija provodi pregled i procjenu djelotvornosti sistema finansijskog upravljanja i unutrašnjih kontrola preko unutrašnje revizije.

Član 50.

(Korisnik i unutrašnja revizija)

(1) Korisnik je obavezan omogućiti unutrašnjem revizoru obavljanje revizije te mu dati sve potrebne podatke, isprave i izvještaje, kao i usmene i pisane izjave koje se odnose na obavljanje unutrašnje revizije.

(2) Unutrašnji revizor dužan je prilikom obavljanja revizije čuvati državne, profesionalne i poslovne tajne.

Član 51.

(Revizijski izvještaj)

(1) Izvještaj o obavljenoj reviziji unutrašnji revizor dostavlja revidiranom korisniku i ministru finansija.

(2) O obavljenoj reviziji, preporukama datim za poboljšanje rada i poslovanja te o praćenju provođenja preporuka, ministar finansija izvještava Vladi Kantona.

DIO DRUGI – KAZNENE ODREDBE

Član 52.

(Kazne za prekršaj)

Novčanom kaznom u iznosu od 2.000,00 KM kaznit će se za prekršaj odgovorno lice budžetskoga korisnika:

- a) ako budžetska sredstva ne upotrebljava za one namjene za koje su sredstva utvrđena i ako preuzeve obaveze iznad iznosa utvrđenoga Budžetom (članovi 5. i 6. ovoga zakona);
- b) ako ne utvrđuje tromjesečne i mjesecne računske planove izvršenja izdataka svojih korisnika (član 12. ovoga zakona) te ako Ministarstvu finansija ne dostavi, u propisanom roku, tromjesečni i mjesecni plan izvršenja Budžeta (član 9. ovoga zakona);
- c) ako postupi protivno članu 13. ovoga zakona;
- d) ako postupi protivno članu 21. ovoga zakona;
- e) ako pravovremeno ne dostavi rješenja o zasnivanju i o prestanku radnoga odnosa dužnosnika, državnih službenika i namještenika (član 27. ovoga zakona);
- f) ako postupi protivno stavu (1) člana 42. ovoga zakona;
- g) ako postupi protivno članu 43. ovoga zakona;
- h) ako postupi protivno članu 50. ovoga zakona.

DIO TREĆI – ZAVRŠNE ODREDBE

Član 53.

(Primjena Zakona)

U slučaju da drugi propisi sadrže odredbe o načinu izvršavanja Budžeta te o pravima i obvezama budžetskih korisnika koje su u suprotnosti s ovim zakonom, primjenjuju se odredbe ovoga zakona.

Član 54.

(Stupanje na snagu)

Ovaj zakon stupa na snagu osmoga dana od dana objave u „Službenim novinama Srednjobosanskog kantona“, a primjenjivat će se od 1. januara 2021. godine.

Broj: 01-02-884/20

16. decembra 2020.

Travnik

PREDSJEDAVAJUĆI SKUPŠTINE

Josip Kvasina, s. r.

=====